

**19 NOIEMBRIE**  
**RUGACIUNEA 1**  
**SF. IERARH**  
**FILARET DROZDOV**  
**AL MOSCOVEI SI INTREGII RUSII**

**Молитва первая**

О преславный святителю Христов Филарете, любомудрия главо, богословия светильниче, сада духовнаго вертоградарю добрый, иночества пестуне, священства пастырю, алчущих питателю, отпадших воззвание, верных похвало; иже при триех царех земных Царю Небесному, в Троице славимому и поклоняемому, послуживый; иже и в чертозех земных выну пред Ним ходивый; иже, преклонився пред волею Божиею, к послушанию молитв твоих Господа приклонивый; иже нищетою духовною паче злата и камня ризы души своея украсивый; молим тя днесь, ни добродетелей твоих, ниже любви твоея к ним имуще: во дни сия лукавыя, путем широким в ров погибельный ны влекущая, буди нам вожатай добрый ко вратом тесным, испроси у Создателя всяческих

кoемуждо во блага совершeнный дар и вся ны во страсе Божии добре соблюди; да помянутся пред Господем слезы твоя, яже за Россию пролиал еси, и да вменяются во оправдание нам, жестокосердия ради слез лишенным, да животворят ны глаголи твои благодатнии, да просветит и ны свет Христов. Егда же приидет и наш час исповедати веру свою пред человеки, укрепи ны молитвами твоими, да точию греха убоимся, точию Господеви послужим, да сподобимся и мы самозрачне видети чертоги небесныя и с тобою и всеми святыми славити и воспевати пречестное и великолепое имя Отца, и Сына, и Святаго Духа в безконечныя веки. Аминь.